




UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 161045003682073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374



UPRAVNI ODBOR

Број : 1538/10

Banja Luka, 26.02.2010.

INVESTICIONO RAZVOJNA BANKA REPUBLIKE SRPSKE
MLADENA STOJANOVIĆA 7
BANJA LUKA

Veza: Vaš dopis broj 06-217-2/10 od 19.02.2010.g.

Poštovani,

Udruženje građana za povrat stare devizne štednje u BiH i dijaspori zastupa više desetina hiljada građana Bosne i Hercegovine pred Evropskim sudom za ljudska prava u Strazburu u vezi povrata stare devizne štednje.

Radi se o tri apelacije: protiv Bosne i Hercegovine, protiv Republike Srbije i protiv Republike Slovenije.

Udruženje građana za povrat stare devizne štednje u BiH i dijaspori dužno je da Evropskom sudu za ljudska prava dostavi odgovor na pitanje privatizacije državnog kapitala u Bosni i Hercegovini koji je najvećim dijelom otkupljen po nekoliko puta umanjenim cijenama i tzv. starom deviznom štednjom koje, po našem istraživanju, u privatizaciji ima više nego što je bilo na računima u bankama. Na suđenju 10.03.2009. god. u predmetu Suljagić protiv Bosne i Hercegovine, gdje su i naši predstavnici bili pozvani da prisustvuju, odbrana BiH dostavila je Sudu pismeno da je deviznim štedišama nuđen državni kapital od stanova do preduzeća, a da su devizne štedišice odbile da prihvate takvu ponudu vlasti RS i BiH. Pošto su devizne štedišice najvećim dijelom raseljeni po čitovom svijetu nisu ni čuli za ponudu i privatizaciju BiH pa samim tim nisu imali ni mogućnosti za učešće u procesu privatizacije, a kao što je opšte poznato stanove su mogli da otkupljuju samo osobe koje su imale stanarsko pravo i najvećim dijelom devizne štedišice nisu imale stanarskih prava jer se od 30 do 50 godina nalaze po čitavom svijetu gdje su i zaradili deviznu štednju koju su povjerali bankama na prostoru sadašnje BiH na čuvanje. Time je obmanut Sud u Strazburu i mi smo dužni istom kao i Savjetu Evrope dostaviti tačne podatke o privatizaciji ukupnog državnog kapitala bilo kojim sredstvima plaćanja, čak i u dinarskim sredstvima iako je poznato da dinar već odavno nije sredstvo plaćanja u BiH. Iz dokumenata koje smo dobili od Direkcije za privatizaciju vidi se i da

je preduzeće vrijednosti 40 118 KM kupljeno za jednu marku starom deviznom štednjom. Iz tih razloga tražimo da nam dostavite kompletnu dokumentaciju o izvršenoj privatizaciji u RS, isto tražimo i od Federacije BiH i Distrikta Brčko kako bi se ustanovilo da je kompletan državni kapital u BiH prešao u ruke pojedinaca a koji su kasnije po nekoliko puta preprodavali isti po mnogo većim cijenama nego što su otkupljivali.

Kako u Vašem dopisu navodite da imate podatak da je do sada otkupljeno 61.268 državnih stanova u Republici Srpskoj (i za gotovinu i za staru deviznu štednju) i da je vrijednost kupona stare devizne štednje koja je izvršena za otkup stanova u iznosu od 69.141.922,19 KM tražimo, sa pozivom na Zakon o slobodi pristupa informacijama, da nam dostavite spisak svih lica u Republici Srpskoj koji su otkupili državne stanove bilo kojim sredstvima plaćanja.

Pored toga, iako nam je poznato da Zakon o privatizaciji poslovnih zgrada, poslovnih prostorija i garaža, iako donešen i stupio na snagu još 2004.g. i da faktički nije u primjeni, prema našim nezvaničnim informacijama, vršen je otkup poslovnih zgrada, poslovnih prostora i garaža starom deviznom štednjom i drugim platežnim sredstvima.

Iz tog razloga molimo da nam dostavite i informacije o otkupu poslovnih zgrada, poslovnih prostora i garaža, sa spiskom lica koja su otkupile poslovne zgrade, poslovne prostore i garaže bilo kojim sredstvima plaćanja.

Ovi podaci su nam hitno potrebni pošto je najavljena posjeta Evropske komisije za borbu protiv organizovanog kriminala i korupcije kako bismo im mogli dati tačne informacije o gore navedenom.

Očekujemo brz odgovor na ovo pitanje!

S poštovanjem,

Banja Luka,
26.02.2010.


Za Upravni Odbor
predsjednik
(**Svetozar Nišić**)

Dostavljeno:

1. Jan – Paul Costa, predsjednik Evropskog suda za ljudska prava,
2. Thorbjørn Jagland, generalni sekretar Savjeta Evrope,
3. OHR, n/a Visokom Predstavniku za BiH, gospodinu Valentinu Inzku,
4. Mediji.